

atuartitsinermi atuakkat milik-mit

Maani nunami amigaatigisorujussuuvagut inuusuttunut atuagassat filminut, tv-mut spillinullu unammillersinnaasut. Inuusuttunuku sulerisartut? Qanoq isilluta atuakkialerinerup silarsuaanut soqutiginnitsersinnaavagut? Qanoq isilluta kalaallit inuaqatigiinnerannut aalluseqataalersissinnaavagut soqutiginnilersinnaallutigillu nunap oqaluttuarisaaneranut? Aaku atuakkat milik publishingimit siunnersuutigineqarsinnaasut inuusuttut imminnut paasinerusinnaanerannut, kalaallillu inuaqatigiit kikkuunerannut paasissutissiisnaasut.

Allatta!

Immaqa tusareersimassavarsi oqaluttuaaralianik allannermik maannamut marloria unammisitsisoqareersimasoq inuusuttunullu allatsitsisimasoq.



Inuusuttut – nunatsinni nunarsuarmilu/Ung i Grønland – ung i verden 2013-imeersumit atuarneqarsinnaaput unammisitsinermi siullermi ajugaasut qulit oqaluttuaaraliaat. Inuusuttut allaaserisimavaat Kalaallit Nunaanni nunarsuarmilu inuusuttuuneq.



2040-mi(2015-imit) siunissamik takorluineq sammeneqarpoq. Inerneru tupaallannangaatsiarpoq. Siunissanik taarlunnartunik takorluinerit, inuaqatigiit naligiingitsorujussuit, kisermaalluni naalakkersuineq, kalaallit inooriaasiat tammariartortoq – sammisaapput atuarneqarsinnaasut.

Piukkunnarfii: **kalaallisoortitsinermi, qallunaatoortitsinermi, atuakkialerinermi, inuiaqatigiilerinermi, oqaluttuarisaanermi**



HOMO sapienne Niviaq Kornelissen-imit ilisaritinneqarujussuuartariaqarunangilaq. Nersornaatissiissutinullu assigiingitsunut innersuunneqarnikuvoq, ilagaallu Nordisk Råds Litteraturpris, Forums Debutantpris. Legatinannikuuvortaaq Statens Kunstfond-imit. Sammineqarpoq nunatsinni sumi-luunniimmilu inuusuttuuneq – immi-nut nassaariarneq, suaassuseq, kinaassuseq. Oqaatsinik pinnguarneq misillitaanerlu atornerqarpoq. Imarisaa isikkualu inuusuttunut tulluarpoq – sms'it facebooki ullorsutiiniillu tigulaa-rinninnerit atuarneqarsinnaammata.

Piukkunnarfii: **kalaallisoortitsinermi, qallunaatoortitsinermi, atuakkialerititsinermi inuiaqatigiilerinermi**



Zombiet Nunaat Sørine Steenholdt-pi atuakkiaani sakkortusinnaasunik soorlu perorsarnerlugaanermik, pinngitsaalisaaanermik toqutsinermillu oqaluttuaaraliat imaqarput. Inuaqatigiinni ajornartorsiutit isornartorsiorneqarnerisigut atuortoq misigilersinnaavoq kiisami tusaaneqartutut pakasarneqartutulluunniit. Pakasaarineq isummersitsisarpoq, oqaloqatigiinnerlu aallartinneqarsinnaalluni. Inuusuttunut takuneqarneq, pakasarneqarnerlu pingaaruteqarpoq taamaasillunimi nammineq isummer-sinnaanissaq oqaaseqarsinnaanissarlu anguneqarsinnaagami.

Piukkunnarfii: **kalaallisoortitsinermi, qallunaatoortitsinermi, atuakkialerititsinermi inuiaqatigiilerinermi**



Arpaatit Qaqortut-ni Pivinnuaq Mørchip anersaartortillutillu illartittarpaatit inuunerullu suuneranik eqqarsalersillutit. Atuagaq inuusuttut inersimasullu inuunerannut eqqarsalersitsivoq. Sooruna tamaaniit-tunga? Inuunera uanga piumasattut ingerlava? Allanguisinnaavunga? Inuusuttuunermimi tassa tamakku apeqquutit takkuttartut. Pivinnuaq Mørchip inuit apeqquutit taakkuninnga apeqquusiisartut atuakkiamini akissutinik ujtartueqatigivai.

Piukkunnarfii: **kalaallisoortitsinermi, atuakkialerititsinermi inuiaqatigiilerinermi**

**HOMO sapienne,
Arpaatit qaqortut &
Zombiet Nunaat**

Allatta!-p siunertarisivaa inuusuttut atuarnerulelutillu allannerulernissaat. Iluatsilluartutullu taaneqarsinnaavoq maanna atuakkiortut pingasut atuakkiaminnik saqqummersitsisimmata nalliiisartunit tigulluarneqarsimasunik.



... *inuugatta*-mi sammeneqarput inuaqatigiit iluanni suaassuseqatiminnik aappaqartartut. Sooruna inuit assigiinngitsut tamarmik inuaqatigiit iluanni inissaqartinngikkigt? Suaassuseqatiminnik aappaqartartut ukiut qulit kingumut qiviassagaanni maannakkut atugarissaaneroqaat taamaakkaluatoq suli angunia-gassat annertoqaat. Atuakkami inuit namminneq misigisaminnik oqaluttuarneranni ersersinneqarpoq inunnut uatsinnit allaanerusunut akuersaernerusariaqartugut.

Piukkunnarfii: **inuaqatigiilerinermi**



Naleqqusseruttortut Juaaka Lyberthip atuakkaa, Kalaallit Nunaanni 1960-ikkunni inuusuttuunerup qanoq issimanageranut tunngavoq; eqqasuuteqannginneq, asannilerneq mumisitserusulernerlu. Paul Erik uummannarmioq malinaavigaarput, tassuunalu takullugu realskolerneq, mutiusimasut, nipilersuutit politikkimullu tunngasut. Juaakap ullutsinni inuusuttut angajoqqaavisa inuunerisimasaannik takussutissiivoq. Atuakkaa 2014-imi Nordisk Råds Litteraturprisimut innersuunneqarpoq.

Piukkunnarfii: **qallunaartoortitsinermi, atuakkialerinermi, inuaqatigiilerinermi, oqaluttuarisaanermi**



Maligassaatitaagama-mi sammeneqarpoq 1953-imi meeqqat 22-it Qallunaat Nunaannut misiliummik aallartitaanerat. Angerlaqqikkamik kalaallisut oqaatsitik puigorsimavaat, ilaqtatillu oqaloqatigisinnaajunnaarsimallugit. Nunasiaataasimaneq Kalaallit Nunaannut suli pingaaruteqartorujussuuvoq 1953-imit pisimasut annertugaluqisut. Inuusuttut angajoqqaammi aanaakkut aataakkulluunniit inuuneranni misigisimasaannut assigiinngitsunut paasissutissiisigut una atuagaq atorlugu.

Piukkunnarfii: **inuaqatigiilerinermi, oqaluttuarisaanermi**

Asavaanga – asannigilaanga asanninnermut tunngasunik oqaluttuaraliansik imaqarpoq. Asaqatigiinneq imaluunniit asanninneq illuatungilerneqanngitsaq. Oqaluttuaraliansik nunanit avannarlerningaanersunit katersugaapput inuusuttunut takussutissatut asanninneq sumiluunniit ataasiusaq, misigissut-sillu sumikkaluaaraanniluunniit assigiinnaasut. Nunarsuarmilu kikkunnit tamanit asanninneq ujartorneqartuatoq. Atuakkami Erna Lyngé aamma Magssanguaq Qujaukitsoq nunatsinnit ilanngussisuupput.

Piukkunnarfii: **kalaallisoortitsinermi, atuakkialerinermi**



Qilaap putua atuakkioortariaaseq 'graphic novel' atorlugu meeqqanut inuusuttunut inersimasunullu tulluarsagaalluni atuakkaaavoq. Toqunikut nunaannut arnap ernini marluk ajunaarnikut alakkarai oqaluttuarineqarpoq. Assinik allatanillu akuukkanik oqaluttualiaavoq kalaallillu oqaluttuaatitoqaat ilisarineqarsinnaapput ullutsinnitaarli atuakkioortariaaseq soqutiginarpoq atorlugu oqaluttualiaalluni.

Piukkunnarfii: **kalaallisoortitsinermi, atuakkialerinermi, inuaqatigiilerinermi, oqaluttuarisaanermi**

Atuarfeqarfinnut
akikilliliissutit

Saqqummersitsisarfimmiit klassikkaartunik piniarnikkut akikilisaaffigitigitsi. Atuarfeqarfiit minnerpaamik 25-inik inniminniinnikkut 20% -imik akikilisaaffigitittarput.

Innimiffissaq
forlag@milik.gl

milik

oqar. +299 32 26 02
atuakkat allat takukkit
www.milik.gl